

Lang nan Kay ak nan Kominote a

pou Pwofesè

Lide pou pataje avèk fanmi

Ankouraje fanmi pou sèvi ak lang yo ak timoun depi yo fèk fèt

Bagay ki pi fasil, pi enpòtan an se pou paran yo ak manm fanmi yo sèvi ak lang yo pale lakay yo chak jou. Anpil fanmi enkyete ke lè yo itilize lang yo pale lakay yo ap konfonn timoun yo oswa rann li pi difisil pou yo aprann Anglè. Ede paran yo konprann ke timoun kapab aprann plis pase yon lang an menm tan. An reyalite, timoun yo ap gen yon tan pi fasil nan aprann Anglè si yo gen yon fondasyon solid nan premye lang yo.



Kenbe nan tèt ou:

Pataje vizion ou ke lang chak fanmi ak kilti se yon sous fyète ak fòs. Fè yo sonje ki jan lang yo pale lakay sipòte kwasans pitit yo nan plizyè fason epi li ede yo aprann lang Anglè tou!

Rakonte istwa epi chante chan

Tout fanmi gen yon eritaj ki rich pou yo pase bay pitit yo. Istwa, chante, rim, powèm, pawòl, ak chante yo se yon pati enpòtan nan kilti chak fanmi. Ankouraje fanmi yo pou pataje sa yo ak pitit yo epi pran plezi nan fè sa!

Pataje liv ak istwa

Anpil fanmi enkyete ke li ak rakonte istwa pa yo nan lang yo pale lakay yo pral rann li pi difisil pou timoun yo li nan lang anglè-men se lekontrè a ki vre! Ankouraje fanmi yo pou li epi rakonte istwa nan lang lakay yo. Eksplike ke rakonte istwa ak li nan lang lakay yo anseye timoun yo mo ak lide ke yo pral transfere fasilman nan lang Anglè.

Ankouraje fanmi yo pale sou tradisyon ak kilti yo

Founi opòtinite pou fanmi yo vizite salklas ou epi pale sou lang yo, tradisyon, kilti, ak eritaj. Mande yo pou pataje istwa fanmi ak chante. Toujou rete vijilan pou fason timoun yo kapab pataje eritaj yo regilyèman nan salklas la.



Kenbe nan tèt ou:

Fanmi yo ede jèn timoun yo devlope lekti ak ladrès pou vokabilè lè yo gade nan liv ansanm epi pale de imaj yo. Li pa nesesè pou ou se yon bon lektè pou pataje liv ak istwa ak jèn timoun.

Montre ke ou apresye lang lakay nan salklas ou

Mete pankat nan lang tout timoun yo nan klas la. Mete liv disponib nan lang tout fanmi yo. Envite fanmi yo pataje yon istwa oswa li yon liv nan lang matènèl yo. Chèche chak chans pou ede timoun yo santi yo byen nan lang ki pale lakay yo.



Kenbe nan tèt ou:

Ankouraje fanmi yo pataje kilti yo. Pataje lang ak kilti yo anseye pitit yo pou santi yo byen nan jan de moun yo ye, epi anseye lòt timoun plis enfòmasyon sou kilti pitit yo.



Kenbe nan tèt ou:

Aksyon pale pi fò pase mo.

Ou voye mesaj solid nan fason ou itilize oswa ou pa itilize lang lakay pa timoun yo. Mesaj pozitif ankouraje idantite solid timoun yo ak estim pwòp tèt yo.

Sigjere prete liv ki pa gen mo oswa nan lang timoun yo pale lakay yo nan bibliyotèk la

Bibliyotèk la se yon gwo sous pou liv bileng, DVD, ak mizik. Li founi opòtinite pou fanmi yo aprann sèvi ak bibliyotèk la. Envite yon bibliyotekè nan yon sware fanmi, oswa fe yon vwayaj edikatif nan bibliyotèk la, pou montre fanmi yo sa ki disponib nan lang ki pale lakay yo, ki gen ladan pwogram tan pou istwa ak aktivite.

Chèche evènman kominote kote lang fanmi yo pale

Pwogram bibliyotèk, festival kiltirèl, moun ki pale, ak konsè se gwo kote pou fanmi yo al kontre lòt moun ki pale lang lakay yo. Envite fanmi yo pou pataje kalite enfomasyon sa a ak youn lòt nan founi yon tablo afichaj fanmi oswa feyè pou yo kapab fè echanj enfomasyon.

Ankouraje fanmi yo kontinye itilize lang yo pale lakay yo pandan ke timoun yo ap grandi

Pale ak fanmi yo sou ankouraje pitit yo pou kontinye itilize lang yo pale lakay yo. Relasyon ki dire lontan depann sou lang. Kominikasyon vin menm pi enpòtan pandan timoun yo ap vin pi gran, epi yo bezwen sipò solid fanmi pou yo kontinye pale lang ki pale lakay yo.



Kenbe nan tèt ou:

Fanmi yo se kle pou kenbe lang ki pale lakay. Ede fanmi yo konprann avantaj ki genyen nan itilize lang pa yo. Lè yo gen konfyans pou kontinye itilize lang yo lakay yo, yo pral fè li tounen yon priyorite.